

Aman Maromak, ami-nia Kriadór.
Maromak Oan, ami-nia Redentór,
Maromak Espíritu, ami-nia Santi-
fikadór,
Santa Trindade, Maromak no Na'i
ida mesak,

* Jezús, paun moris tun husi
lalehan, habosu Ita-nia Kreda.
Jezús, paun loloos ne'ebé Aman
haraik mai ami, habosu Ita-nia Kre-
da.
Jezús, ai-han ba ema sira ne'ebé Ita
salva, habosu Ita-nia Kreda.
Jezús, viátiku ba ema ne'ebé atu
mate, habosu Ita-nia Kreda.

* Jezús aliansa foun no rohan-laek,
salva sira-ne'ebé invoka Ita.
Jezús, sakrifisiu hahí perfeitu liu,
salva sira-ne'ebé invoka Ita.
Jezús, rekonsiliasaun ba ema moris
no ema mate, salva sira-ne'ebé in-
voka Ita.
Jezús, Bibi-Oan Maromak nian
ne'ebé kasu ita, salva sira-ne'ebé
invoka Ita.

* Jezús, Liafuan ne'ebé halo an ba
ema, hela ho ami.
Jezús, ami-nia fuan nia ksolok, hela
ho ami.
Jezús, konsolasaun ba ema laran-
susar sira, hela ho ami.
Jezús isin-di'ak ba ema moras sira,
hela ho ami.

* Jezús, bee-matan moris nian,
haraik Ita-nia Espíritu mai ami.
Jezús, forsa ne'ebé halo sai imortál,
haraik Ita-nia Espíritu mai ami.
Jezús, garantia moris-hi'as nian,
haraik Ita-nia Espíritu mai ami.

Jezús, ami-nia mediadór hasoru
Aman, haraik Ita-nia Espíritu mai
ami.

* Haboot ami-nia fiar, Rona ami
Na'i.
Hamosu iha ami hakaran atu has-
oru Ita, Rona ami Na'i.
Haraik konsolasaun iha terus no
provasaun, Rona ami Na'i.
Halo ami sai ida de'it iha karidade
fraterna, Rona ami Na'i.

Bibi-Oan Maromak nian, ne'ebé
mai salva ema, sadia ami.
Bibi-Oan Maromak nian, ne'ebé lori
mundu nia terus, sadia ami.
Bibi-Oan Maromak nian, ne'ebé
kura ami-nia kanek sira, sadia ami.
Bibi-Oan Maromak nian, ne'ebé ba
ema hotu silu Ita-nia paun, sadia
ami.

Orasaun: Oh Aman, ne'ebé iha Ita-
nia oan doben nia fuan ita haraik
mai ksolok atu celebra Ninia domin
ninia kmanek sira mai ami, halo atu
bee-matan rohan-laek ida-ne'e, ami
bele simu Ita-nia don sira iha
abundánsia. Hodi Kristu ami Na'i.
Amen.

Knananuk: Ami fiar Jezús

CORPUS DOMINI

Adorasaun



Hela ho ami, Na'i. Hela ho ami!
FMATIN

Adorasaun ba Corpus Domini

Introdusaun:

Papa Urbano IV mak introdús selebrasaun Solenidade “Kristu nia futar Isin no Raan” iha 1264. Selebrasaun ida-ne’e sai motivu ida ba reflesaun, hahí, agradesimentu no adorasau kle’an no kontemplasaun. Ne’e mak oportunidade atu tama kle’an iha ita-nia abut nu’udar Kreda, ita-nia moris no ita-nia mate. Iha selebrasaun Eukaristika ida-idak, Na’l mak mai no hali-bur ita nu’udar povu atu ita selebra sakamentu paskál ninia futar Isin no Raan nian. Nia mak amlulik úniku, boot no rohan-laek ne’ebé tanba ita, sai karan iha altar krús nian. Paun no tua, ne’ebé liuhusi amlulik nia liman sai Na’l nia futar Isin no Raan, mak sinál Maromak nian ne’ebé la kole atu inkarna an atu bele hamutuk ho ema. Ne’e mak mistériu enkarnasaun, mistériu domin nian ne’ebé hafoun iha kristu nia sakrifísiu.

Knananuk: Eukaristia
Graças e louvores...

Leitura 1: Mt 28,18-20.

Silénsiu meditativu

Hotu-hotu hatán: *Hela ho ami, Na’i. Hela ho ami*

- Nu’udar roman ba ami-nia nakukun sira,
- Nu’udar konsolasaun ba ami-nia larna-susar sira,
- Nu’udar apoiu ba ami-nia tentasaun,

- Nu’udar esperansa ba ami-nia deziluzau,
- Nu’udar mizerikórdia ba ami-nia salan,
- Nu’udar forsa ba ami-nia frakeza,
- Nu’udar korajen ba ami-nia inserteza,
- Nu’udar kmaan ba ami-nia kolen,
- Nu’udar moris ba ami-nia mate,
- Nu’udar moris ami-nia moris nian,
- Hela ho ami, Na’i, ohin no ba nafatin.

Leitura 2: Ap 21,3.6-7.

Silénsiu meditativu

Knananuk: Na’i Jezús,
ha’u-nia pastor

Leitura 3: 1 Cor 11,23-27

Silénsiu meditativu

Bensan no súprika

Ita hotu hananu: *Glória ba Na’i, hahí ba Na’il*

- Ami agradese Ita, Aman santu, ba Kreda no ba festa Aliansa foun ne’ebé Ita halo ami koko iha Jezús Kristu, ita Atan.
- Nu’udar fini kari iha to’os, hali-bur no sai paun ida, nune’e mak Ita halibur Ita-nia Kreda husi raí-ulun raí-ikun!
- Ami agradese Ita, Aman Santu, tanba hodi Ita-nia naran mak Ita horik iha ami fuan.

- Ami agradese Ita, Aman Santu, ba sabedoria, fiar, imortalidade ne’ebé ita revela mai ami iha Jezús, Ita Atan.
- Ita, Kbiit-tomak Na’i, kria buat hotu hodi Ita-nia naran nia glória no haraik ba ema sira nu’udar ai-han no haksolok sira, atu nune’e sira agradese Ita.
- Ita haraik mai ami ai-han no tua moris rohan laek nian, atu ami bele hetan moris husi Ita, iha Jezús Kristu, Ita atan.
- Hanoin bá, Na’i, Ita-nia Kreda: hasai nia husi aat hotu, halo nia sai perfeita iha Ita-nia domin. Santifika nia, halo nia metin iha unidade.

Leitura 4: 1 Pt 1,18-21).

Silénsiu meditativu

Ita hotu hatán: *Glória ba Ita, Bibi-Oan ne’ebé kasu mundu salan*

- Ita foti ami-nia umanidade iha Virjen Maria ni aknotak, hodi mori snu’udar ema.
- Ita foti ema nia terus, hodi Ita-nia isin, Ita harahun isin nia kaan sira. Ita liberta ami, hanesan liberta Israel husi Ejitu, husi mundu ninia modu moris nian.
- Ema oho Ita iha Abel, ema justu, kesi ita ba sakrifísiu iha Isaac; la’o-rai iha Jacob; faan Ita iha José, tau iha hani iha Moisés; hetan persegisaun iha David no ema hewai ita iha profeta sira: Bibi-Oan sala-laek, ita la loke ibun.

- Ho Ita-nia mate ita halakon mate; ho Ita-nia larna-maus ita harahun buat aat nnia kbiit. Mundu ninia salan no injustisa mak tau Ita iha krús.
- Bibi-Oan ne’ebé hasae nu’udar karan iha loraik, no hakoi iha kalan. Ema la harahun Ita-nia ruin ida no ita-nia Isin la dodok.
- Ita mak Bibi-Oan ne’ebé manán mate no moris-hi’as. Iha Ita umanidade moris hi’as husi rate nia nakukun.
- Ami hotu hanesan bibi sira namkari; Ita-nia sakrifísiu hali-bur ami iha Kreda.
- Ita mak gia ami husi moris-atan ba Liberdade; ita lori ami husi nakukun ba naorman. Husi mate ba moris, husi aat nia ukun ba reinu rohan-laek.
- Oh Kristu, ami-nia salvasaun nia Páskua: halo ami sai ita-nia povu liurai, amlulik no santu.
- Bibi-Oan Maromak nian ne’ebé kasu mundu nia salan no haraik damen: ba Ita kbiit no rikusoin, matenek no forsa, onra, glória no bensan.

Leitura 5: Jo 1,14.

Silénsiu meditativu

Ho Maria ita agradese Maromak tan haruka nia Oan atu sai ema no so’l ita husi salan no mate nia ukun.

Knananuk Magnificat

Ladaiña

Na’i, sadia ami.
Kristu, sadia ami.
Na’i, sadia ami.